

Sion rué a la l'leisema edizion de l'Aisciuda ladina – festival del lengaz. N travert che ne à portà a tor ite n muie de aspec de la vita e del lurier de la jent de Fascia. Pian pian l'Aisciuda à tacà a esser spetèda e voluda.

N bel travert per l'Comun general, per sie sentadins, per i enc, la istituzions e i sogec tant publics che privac che te chisc egn à colaborà, acioche chesta scomenzadiva sie percacenta e vivuda.

Te chesta edizion che taca via n nef dejené, **i protagonisc sarà i bec dessema con sia families**, con chela de meter adum la generazions te n moment olache l'ladin, tradizionalmenter conservà e passà a la neva generazions da giaves e genitores, l'vegn portà a cèsa e te cèsa ence dai bec, che a scola i empèra l'lengaz de mendranza. Tel percors de politica linguistica metù en esser te Fascia, la दौरa del ladin te la scola l'à didà a ge reter ai bec, fies e scolees, chel lengaz de la mère che risièda de jir dò brea ju per rejons sozioeconomiches e ence linguistiches che entravegn a na vida prest fisiologica te duc i lengac mendres.

Sion donca te n moment olache l'ladin l'é descori e portà a cèsa dai **bec**, che i doventa a chesta vida paladins de n lengaz e de na identità che podarà jir inant demò se la neva generazions seghita a l'emparèr, a l'aprijèr e a l' sentir sie te la vita da vigni di.

Da l'otra **giaves e genitores** tol su la endesfida de descorig endodanef chesta identità: desche pèrt de na ritajon de familia, se i é fascegn de naa; o desche na bela neva per se fèr ite te Fascia, se i vègn da foradecà.

**Giaves**, toleve dò vesc nec e zebrà co nos chesta Aisciuda ladina.

**Genitores**, tolé su l'endesfida de descorig la reijes de voscia identità tras i eies de vesc fies.

**Bec**, engaissà voscia families al bel de esser paladines de lengaz e identità.

AISCIUDA  
LADINA

## TE SCOLES E SCOLINES FORA PER LA SETEMÈNA

Ativitèdes per ladin e magnadiva tradizionèla.  
Rua Bertol a envièr duc i bec a l'Aisciuda de la familia!  
RECORDAVE DE VE ENSCINUÈR!  
Te chesta setemèna envion duc i ladins de Fascia a meter fora la bandiera ladina. Podede la comprèr aló da l'Union di ladins de Fascia.



**PER MAOR INFORMAZIONI**  
Comun general de Fascia  
Servijes linguistics e culturèi

Str. di Prè de geija, 2  
38036 – San Giovanni di Fassa/Sèn Jan (TN)

T 0462 764500 int. 4  
cultura@comungeneraldefascia.tn.it  
www.comungeneraldefascia.tn.it



# AISCIUDA LADINA FESTIVAL DEL LENGAZ Familia, fech de identità

PROGRAM

COMUN GENERAL  
DE FASCIA

**TE SPORJE MIE LENGAZ!**

**DOMENIA AI 5 DE MÉ**  
DA LES 15.00  
JOUF DE SELA

### ANTEPRUMA DE L' AISCIUDA LADINA – LA BANDIERA LADINA

Aprofondiment storich e significat  
a cura de l'Union di Ladins de Fascia.

Tel cedeàn da canche, ai 5 de mé del 1920, l'é nasciù la bandiera ladina dai 3 colores, simbol de l'unità di Ladins, l'Union di Ladins de Fascia envia duc sun Jouf de Sela, lech simbol del leam anter i Ladins, per cognoscer mingol de storia de chest popul e de sia bandiera.

Vegn endrezà na coriera debant per jir sun Sela.

Se cogn se scriver ite aló da l'Union di Ladins dant dai 26 de oril (telefon 0462 764545 – mail: union@ladinsdefascia.it). Se aessa da esser catif temp vegnarà fat na scontrèda te Comun general sui medemi argomenc.

**LUNESC AI 6 DE MÉ**  
DA LES 17.30  
SORASTANZA DE LA SCOLA LADINA

### INAUDAZION DE L' AISCIUDA LADINA

- Salut e prezentazion del program de l'Aisciuda
- Curt concert de chi che à tout pèrt al cors "Ciantèr ensema amò più bel!"
- Generazions a confront: canche l'ladin ne tegn adum. Moment de confront e reflescion anter generazions su la दौरa del lengaz de mendranza con i ciantarins del cors e duc chi che volarà entervegnir

Apericena endrezèda da la Coprativa Oltre, Projet Cojinèr ensema.

Per tor pèrt a la scomenzadiva vegn domanà de se scriver ite dant che sie fora i 30 de oril del 2019, aló dai Servijes linguistics e culturèi del Comun general de Fascia, telefon 0462 764500 int. 4.



**JEBIA AI 9 DE MÉ**  
DA LES 17.30

SALA HEILMANN – MUSEO LADIN DE FASCIA

### PREJENTAZION DEL LIBER "LA PAZIENZA DI SASC"

N liber nef per coche l'vegn scrit e portà dant, per didèr picioi e families a viver la malatia de n genitor e a ge jir dò al viel de la cura con consaputa e speranza. Na publicazion cognosciuda e aprijèda te duta la Tèlia, ades ence per ladin.

- Entervegn la autora Ierma Sega e la artista Michela Molinari
- Espojizion di dessegnés originèi del liber
- Dramatisazion del liber a cura de la regista Loreta Florian – Servijes linguistics e culturèi del CgF

N bocon endrezà da la Coprativa Oltre, Projet Cojinèr ensema.

Duc chi che tolarà pèrt a la prezentazion ciaparà en don la publicazion.

Per tor pèrt a la scomenzadiva vegn domanà de se scriver ite dant che sie fora i 30 de oril del 2019, aló dai Servijes linguistics e culturèi del Comun general de Fascia, telefon 0462 764500 int. 4.

**VENDER AI 10 DE MÉ**  
DOMARENA DA LES 16.00 A LES 18.00  
CASERMA DI STUDA FECH DE PERA (VAC)

### L' AISCIUDA DE LA FAMILIA

N domarena de jeghes a squadres anter families co la colaborazion e l'animazion de Inout.

Duc i bec de la scolina e de la scola populèra podarà tor pèrt a la scomenzadiva dessema con giaves, bèrbes, jormegn, amisc e genitores. Vegnarà metù adum squadres familières che se confrontarà con jeghes da n'outa e da anchecondi, descorian contegnui neves e del passà en cont de cultura, identità, teritorie e lengaz ladin e da foradecà. Chi sarèl pa l mior?

A duc chi che tolarà pèrt Bertol ge à endrezà n bel don originèl.

No ve perdé chesta ocajon de stèr adum e ve goder dessema!

Ai bec de la scolines e de la scola populèra ge vegn consegnà n envit da la maestres a la fin de oril. Da l'envit se podarà taèr fora la zedola de enscinuazion olache se cognarà meter ite l'inom del bez e de sie familières che tolarà pèrt. La zedola cognarà vegnir portèda de return te scola e consegnèda a Bertol canche l'jirà a troèr i bec te la setemèna de l'Aisciuda. Chi che no ruarà a portèr l'enscinuazion te scola arà amò temp de portèr la zedola aló dai Servijes linguistics e culturèi del Comun general de Fascia, opuramenter i podarà telefonèr al numer 0462 764500 int. 4 per se scriver ite, dant che sie fora i 8 de mé del 2019.

